

賜

綺

堂

集

賜綺堂集卷十詩目

畫蝶

寄崑漁三首

竹西聞余轉餉入都貽書慰問並用澄齋太守
前題拙集原韻作贈行詩二首感而答之

閔生茗香偵余將由曲陽赴都前期假榻錢柳
汀齋中同來驛館話別感賦二首

郵程偶作

榮澤渡河

銅雀臺

杜喬故里

到京書家信後五首

過橫街睢陽客館感懷霽園先生敬賦二首

蔣元庭侍郎寓齋話舊六首

汪薌林農部桂招同董筱楂編修桂敷齊梅麓

明府彥槐俞澧蘭璋董郁齋桂林兩明經寓齋

小飲卽用筱齋見貽原韻二首以誌一時雅集

筱楂編修見題拙集依韻和之兼答梅麓明府

施棐泉太史村招同王蓮府宮詹宗誠吳玉松

侍御雲言臯雲太守朝標寓齋小飲二

法時帆祭酒雪中過訪以續著新詩六卷見示
蓮府宮詹留飲齋中始謁尊公大宗伯春圃先
生賦呈

時帆祭酒招飲詩龕

奉酬王執齋太史

家相

枉贈二首

同年吳玉松侍御

雲

餞飲宣南館舍二首

奉題譚蘭楣郡伯知退齋詩後

爲彭森亭題十竹畫冊十首

偕錢柳汀黃嘯崖馮半塘同游萬氏山亭循徑

登白兆山讀太白題詩偶成四首

和嘯崖登安州白兆山訪太白讀書處放歌
鄂江重晤汪成初表兄卽用舍弟崑漁原韻

鐵鞋道士今畫歌

鐵鞋道士以所畫張真人除五毒圖乞題

奉題學使鮑覺生先生手書荆南雜詠長卷後
奉酬時帆祭酒寄懷之作

方竹儂明府

策

以銀絲花盒子見貽戲成四絕

句答之

賜綺堂集卷十

吳苑 詹應申 鱗飛

詩

畫蝶

舞衫新試花風翦春入南園草痕淺東家蝴蝶西家飛
錯認苔衣落紅軟羅浮繭子大於丸回首仙山路渺漫
能幻樓頭雲五色懶描機上錦千端舊巢忽被狂蜂鬧
扇底飄零夢應覺不鬥金衣鬥粉衣如何偏與花枝拗
漆園傲吏似君無一笑相逢趣不孤人間尚有滕王譜
雙管翻新寫作圖

寄崑漁三首

小別花隄已隔年春風好夢白鷗天渡江那得雙飛燕
同向橋灣學種蓮

茆堂重築傍汀洲可有煙雲四面收料得荒園還寓鶴
飽看飄影上湖樓

一家兒女兩分開每到團圓盼弟來准擬對床聽夜雨
紅蕉墨竹倚墻栽

竹西聞余轉餉入都貽書慰問並用澄齋太守
前題拙集原韻作贈行詩二首感而答之

落拓何曾敢愛恩登車未免濕衫痕齒牙分惠心空折

頭項同理，舌尚存覆手雨雲人共笑，羅胸星宿我難捫。
傳牋先有梅花使，催送寒香出郭門。

長安車笠定招尋，問訊錢郎帶遠音。公子輩流才子目，

新絃指法舊絃心。竹西新調，嘶水循聲益苦。甘爲牛馬人呼走，還怕

鱗鴻客夢沉。一卷殘詩探破篋，羞持腰版謁朝簪。

附原作

嘉善 錢清履 竹西

丈夫肯便拜私恩，白傅青衫濕淚痕。宦海十年知遇少，騷壇千古姓名存。狂歌斫地髯頻奮，雄辯談天舌莫捫。見說王程勞鞅事，一鞭風雪入修門。

葉落疎林何處尋，茫然空谷足無音。三生交契雲山

夢一卷詩詞冰雪心獨客去如鴻影遠孤懷坐聽漏
聲沉他時倘爲葦鱸計相約同抽冠上簪

閔生茗香偵余將由曲陽赴都前期假榻錢柳
汀齋中同來驛館話別感賦二首

借榻先三日登車緩一程殘更催短夢老淚忍長征馳
驛仍羈旅留家囑友生臨歧數行字曉角寫愁聲

錢起真良友南鴻問訊勤伍家千樹合

生於懸城與曲陽毗連中有伍

家山問之七澤一襟分少作須嗤我時名或累君下帷崇實
學莫更惜離羣

郵程偶作

十年補一官僻在荆南隅距省二千里檄調赴上都嚮
晨趨南臺行李已載途書生充餉役居然假兵符轉運
十萬鎰劍給二百夫弓刀衛送之卒伍兼胥徒流星疾
於箭一羽爭先驅長繩貫鐵索千鈞蟻附蛆出楚乃入
豫平原挽以車整齊等步伍百聲同一呼昂頭追風驥
斷尾拍水鳧方其快意時頓忘筋骨劬奈何朔風急雪
點鷲毛麤爛泥沒輪鐵堅水凍眉鬚十步九停趾喘息
不得吁役夫烏獸散紛紛逸客遭銅山莽銀海迴望瓊
瑤鋪揮手戒童僕死生與之俱跛行見斥堠村遠炊煙
孤破屋兩三楹中雜蒿萊燕戍兵手足僵問之口胡盧

頽垣土有聲宵警出不虞何況飯無粟料難求牧芻去
此且他適愁腸轉轆轤攤錢付傭保得人如求珠駕以
九牛力行行重踟躕東燎黯無光濕衣寒粟膚微明辨
城郭初陽升冰壺解裝投驛館疾首始漸蘇按簿再唱
籌有如穿散峽先後審甲乙輕重權錙銖茫茫前路遠
敢復延須臾整裝促亭吏顧我偏躊躇爲言主人命緩
急慎所圖昨宵奉府檄高軒來擁騶微夫數百計供張
三日需迅雷掣飛電晷刻不可逾若非急先務那得邀
令譽昔儕何顏色長官當揣摹否則公此役亦復難免
諸公行如過客暫頓姑徐徐勿憂帑金積爲公勞疲驢

聞言三嘆息，逆旅逢擲掄。國家設郵政，首重奉簡書。
苛索與濫應，於例當掃除。如何牛馬走，一味工獻諛。坐
聽內庫藏，轉徙委泥塗。誰爲司土者，舉一概其餘。拈豪
濡凍墨，題壁譎鳴鳴。

滎澤渡河

雲氣兼天湧，河聲捲地來。破空帆欲折，裝重舵難迴。鐵
索千鈞貫，是日中流過大風舟人以鐵索沉銀山萬仞
摧。愁腸同九曲，到岸孕離胎。

銅雀臺

雀自南飛水自流，西陵衰草尙含羞。同心不化鴛鴦瓦。

閉目誰登燕子樓漫信奸雄真好色託爲謔舞蓄陰謀
應憐帳冷香銷後可有銅僊淚點收

杜喬故里

冤獄千秋恨未明杜公豈肯負平生上書祇有陳留掾
會葬原無太尉名外府金蛇銷賄賂權門芻馬視公卿
李侯風節傳青史攜手青山倘結盟

到京書家信後五首

漫說邗傳壯此行間關歷盡涕縱橫殘羹冰冷饑難療
破驛風酸夢易驚病僕羸駮同草次孱夫疲卒應花名
蒼茫銀海何年到愁伴孤藥聽角聲

積雨泥滯雪打頭村荒店小轍難留人如鷺鴨爭投柵
車是菰蘆不繫舟誰覓酒尊燒野火自持霜柝記更籌
寒宵坐到東方白又渡長河截怒流

輪蹄磨鐵鐵難支逆旅光陰強護持牛鬼蛇神鑪畔伎
蜚丸馬糞壁間詩預愁來日關山遠堅囑流星羽檄馳
衙鼓聲中誰擁被催開筦鑰故遲遲

籤程鞅掌四旬餘且喜征軺達

帝居從此回頭真到岸那堪揮手是登車僧房借榻雲
雙燈人海題襟月一廬寄與平安數行字隔江傳訊慰

崑漁

謂吾弟

問訊南來一鴈飛江樓別夢自依依嬌兒就傅常逃學

老嫗持家慣典衣存綽舊遊雲樹遠

辛酉北來攜子

嗣

宗新句酒盞稀

璋堂從叔

現留鄂城無聊同憶燕山客倦聽車雷

晝掩扉

過橫街睢陽客館感懷霽園先生敬賦二首

父執會師事三生一瓣香緇書披手澤繪象服心喪慕

比終身切恩難沒齒忘九原誰侍側魂夢繞睢陽

科第中朝久功名晚節全讜言前席請正學後人傳貢

舉歐陽盛耆英潞澤聯吳公逾十載枯淚滴重泉

蔣元庭侍郎寓齋話舊六首

雲房風檻兩三層
翦燭深談轉玉繩
檐角老梅如鶴瘦
當年曾伴讀書燈

蔬笋同參道味長
博山一縷炷沉香
堂餐日費司農俸
那及清齋賦太常

會持旄鉞坐南臺

侍郎曾總督會場改官洗馬

還向花磚穩步來

許神僊提玉局
綠文丹檢在蓬萊

時方校書

解衣推食故人心
往事淒脾直到今
三十年來塵撲面
感公爲我費沉陰

我亦池塘夢草青
驚秋哀鴈那堪聽
鶯書乞與黃庭字

漫拓唐碑寫鶴鴒

臧十令季不得見也

雲山回首渺天涯惱我爲郎兩髻華尙有九原恩未報
敢從勾漏乞丹砂

汪薌林農部

桂

招同董筱楂編修

桂敷

齊梅麓

明府

彥槐

俞澧蘭

璋

董郁齋

桂林

兩明經寓齋

小飲卽用筱楂見貽原韻二首以誌一時雅集

人海鷗同泊神臯鶴出羣一尊新舊兩九陌去來雲

澧蘭

先後遠客驚殘臘微吟戀薄暉自嗟腰版倦髻雪點續

紛

巖官慙孟舉艷體悔繁欽蘭畹十年夢花潭千尺心聚

星隣館舍

齋近星源會館

泛月溯江灣

筱楂前游楚江

珍重臨

歧語鴻泥後視今

附原作

婺源董桂敷徵植

天際蒼葭夢斯人白鶴羣西風吹淡水朔雪度燕雲
意氣懷前日襟期話夕曛十年惟兩鬢相對訝絲紛
宦况同如此長才夙所欽琴知仙吏操筆在故人心
袍帽風塵裏衙齋煙水潯思君曾擢漢待晤到如今
余以丙寅歲訪君於漢陰寓齋君時宰遠安未獲晤也

婺源齊彥槐梅麓

幾人腰手版之子迥超羣雅抱陶元亮清風范史雲
相思從少日把臂立斜曛莫要匆匆去燕臺雪片紛

向披循吏傳，卓卓使人欽。頗作還鄉夢，難忘報國心。吳雲遮雪嶽，楚樹入烟潯。勉各行役，他時當憶

今

箴槎編修見題拙集，依韻和之，兼答梅麓明府。十年入塵海，進退持兩端。甘爲樞驥伏，耻爲穴鼠鑽。服箱遠行役，雪花凍纓盤。董君金闕彥，詩懷夢蛟蟠。嗣音有齊侯雅韻，賡琳珎牟尼百八十。贈詩計百八十字字字超元

關，各酒金壺汁，潤我枯腸乾。我詩等牛鐸，委棄榛莽間。泥塗不自解，清濁憑誰刪。凌雲雙管下，曲高和者艱。兩軍樹旗鼓，齊晉登盟壇。五字賦河梁，屈宋爲衙官。江花

雜江草相賞同幽蘭千金擁敝帚較量得失難公等導
先路攬勝窮躋攀歸鞍壓珠玉萬丈光芒寒雲泥易分
手奮飛無羽翰贈言比金石十讀空三嘆

附原作

婺源董桂敷筱榭

儒生於事業文辭其一端自非經緯才齷齪空雕鑽
枯淡類槁木穠麗傷繡鞞君才實遠邁奇氣中鬱蟠
傾倒不自遏喉舌撐琅玕當其興到處百怪趨靈關
馳精電策靡蘸筆星海乾光光十四卷燦若肺腑間
非無綺語悔艷逸不可刪竭來宦楚邦愷惻維民艱
於中有經濟豈止論騷壇從來真經生定作賢長官

側聞河陽花栽徧楚澤蘭史傳重文苑祇今循吏難
文章與政事望古心追攀才高困一令十載水襟寒
何人廉宦績幾輩誇風翰寥寥此心聲矯首一長歎

婺源

齊彥槐

梅麓

萬事塞翁馬誰能測其端靈龜見元君七十有二鑽
識字憂思始此語當書顰安見天際翔必勝泥中蟠
嗟君少侗白命球與珥不樂邱園居飄然去鄉關
看花醉吳市策馬渡桑乾南北萬餘里歷歷詩卷間
當其落筆快千言不能刪輒覺古人詩一往無非艱
茲才入詞苑推倒赤幟壇奈何困風塵作此粗俗官

楚地賤香草，榛管沒崇蘭。緬懷屈大夫，千古行路難。
人生各有命，高下何由攀。願言矢冰心，努力保歲寒。
鸞鳳棲枳棘，不掩五采翰。文章可自娛，薄宦奚足歎。

明府于役來都備嘗辛苦故慰之

施琴泉太史

杓

招同王蓮府宮詹

宗誠

吳玉松

侍御雲

言臯雲太守

朝標

寓齋小飲二首

燕市重逢雪鬢華，瀕年蹤跡繫瓠瓜。別來塵面泥中絮，
話到仙心漢上槎。琴泉會典試楚中相遇漢江之上去今已十一年矣插架籤牙
披鄭草圍爐，屏角護唐花。鯨鐘漫滴銅壺漏，射覆分曹

趙月斜

佳篇投贈比瓊瑤人洛論交卅載餘老婦難爲垂手舞
諸郎能讀等身書使星四照連環玉諸公皆先後持幢主試卿月
重輪合轍車笑我爲郎頭易白儒林循吏願終虛

法時帆祭酒雪中過訪以續著新詩六卷見示

雙輪難碾沒蹄涔迢遞城南賁足音廿載風塵埋我輩
九衢冰雪見公心靈光且喜巍然在法藏何須到此尋

祭酒許詩向有正法眼藏四字篆記三昧續成香一瓣借鈔許伴佛燈吟

蓮府宮詹留飲齋中始謁尊公大宗伯春圃先

生賦呈

大椿八百正綿延鸞鳳迴翔傍日邊公望三朝枚卜早

才名四傑探花先星依紫極原稱歲班領青垣總是僊
願借犀觥來祝嘏九華高處卽壺天

時帆祭酒招飲詩龕

人與梅花共掩門詩龕香借佛龕溫鐵厓樂府西厓筆
玉海書倉北海尊王李敦槃徵舊事龔與石農鐵夫諸君子觴集龕中距

今二十年惟菘齋太史現官京師江黃笠屐拜

新恩在開吳淦厓太守方由黃州入覲城闕隔斷巴西守盼到車雷夕

照昏通阜雲太

奉酬王菘齋太史家相枉贈二首

交從何李後名在駱盧前宮錦新花豔江帆舊雨偏經

香聞虎觀鄉訊盼鴻天烏帽黃塵裏難忘入洛年
爲感惺惺惜仍憐草草勞官同詩格小才讓債臺高五
字王哀論三秋屈子騷朔風催別夢愁聽鬱輪袍

附原作

常熟 王家相 魏齋

交語三條側分襟十載前不知鬚鬢改祇覺笑言偏
長路風雲色他鄉雨雪天可堪重憶舊鼓篋並髯巾
翰墨緣非淺殷勤脫贈勞紙應同玉貴詩更比官高
意氣餘湖海風情本楚騷長安昂酒價何計醉同袍

同年吳玉松侍御雲餞飲宣南館舍二首

此飲難爲季子辭茫茫人海感心知別來愁味釀於酒

老去交情淡似詩
九陌車雷驚集疾
五湖帆月夢鷗遲
花驄徧歷春城後
倘過江臯聽竹枝

就論科目副才名
令子臚傳第一聲

謂萬人修撰

君是大吳

真及第人言老范
亦諸生仙山鸞鶴迴
翔易塵海雞蟲
得失輕太息
同年腰脚倦
倒持手版話春明

奉題譚蘭湄郡伯知退齋詩後

羣仙不敢誇才子
第一詩名四丞

旨

四應皆第一

御試

中朝掌故歐陽史
容臺典章叔孫禮

由翰

林改官禮部

油幢持尺量萬里

會督學滇中

歸來瘦馬嚮燕市
先後典衣易朔米
臣心如水清見底
倉山昆海豔桃李

溪雪嶺闕荆

來守施州

口碑深鑄入肌髓平生不肯枉尺

咫尺介然之節石可砥有時智珠探懷裏具大神力化蛇豕是仙是佛向空指齋名知退力自矢詩成傳誦嘆觀止紛紛作手鬥華靡建安風骨今有幾待公椽筆振之起中有至情原性始點不拈豪飛着紙生龍活虎聽驅使雲衣霞珮笑俛倚礪底古松聲聒耳鉢中妙蓮香漱齒讀者生愁忽生喜如聆絲竹歌變徵如投膠漆飲醇醴一真所發黜偽體化民課吏亦如此白雲仙館藤花紫

始識

邵伯於兩非秀廉之紫藤花館迄今二十五年矣

戴佳伯仲同倒屣廿年

前事隙駒駛竭來一櫂楚江熾龍門未登先尺鯉畧去

等威感知已得事先生執鞭弭甘心老作衙官矣

爲彭森亭題十竹畫冊十首

平生不悅仰令節無偏私獨立青霄外挺此筆一枝老
爲松柏隣矯若鸞鳳姿終當拂雲去經綸雷雨施豈徒
醜枯墨風霜能護持

亭亭玉兩竿交枝壓衆綠此君胸有成相賞異流俗譬
如同心蘭香味闕空谷寧求璧一雙莫洒珠千斛風詩
美切磋比德在淇澳

瘦石有三面繁花無一株莓苔破寒碧山徑方掃除中
有澹宕人道骨清且腴眠琴向何處清露濕滿裾吾廬

咫尺問古意何蕭疎

秋房雨鳴窻驚露走絕壁離披墨幾叢寫出聲淅瀝垂
垂不放梢干雲頗自惜要從屈伏中特立尋丈尺助我
挑燈吟吹破一枝筍

畫梅不着葉畫竹不見根槎枒向空裂一洗冰霜痕就
中有芒角透紙手莫捫欹斜具逸致風節依然存平生
醫俗心待君同品論

坡陀何透迤溪流自清淺皓月照幽篁寫影上苔蘚瀟
湘隔水雲好風夢帆轉娟娟翠佩搖煙墨一痕翦宵分
枕簟涼露華濕衣輒

韻竹如詩友醉竹如酒狂清商起天籟空際吹笙簧奇
氣驚戶牖縱逸不可當枝枝欲離紙憂擊相低昂化爲
鳳尾去天空任翱翔

畫竹如作書波磔分大小擘窠抽篔簹蠅頭點密篠疎
疎一叢秋位置非草草水石縈繞之運筆極蒼老對此
日臨池个个字完好

粗枝與大葉蕭然能遠塵心交乃石友風骨殊磷磷一
日十二時直諒全其真庶幾青雲客協律調陽春鄙哉
肉食者虛心愧此人

舊籜尙吟風新苞已出土悠揚雛鳳調蜿蜒老蛟舞郡

齋青琅玕攜鋤手親補相對勝披襟不須評畫譜他時
燒筍來同聽夜窻雨

偕錢柳汀黃嘯崖馮半塘同遊萬氏山亭循徑
登白兆山讀太白題詩偶成四首

卧雲只有碧山知誰見先生問答時今日併無鸞鶴夢
巖花落盡不題詩

小有茆堂隱竹扉洞天拳石繡苔衣山人導我尋山去
遙指鐘聲認翠微

同披殘碣翦蒿萊老桂槎枒手自栽一樣康山風雨夜
白頭拋却讀書臺

記游詩詠玉泉香

玉女泉在應城有太白題詩

流貶何年到夜郎

太白

自流貶夜郎卽今施南郡屬余先權應城後除恩施縣秩故及之

老我拋書塵撲面居

停愧領謫仙鄉

和嘯崖登安州白兆山訪太白讀書處放謫

江頭捉月人何處山中卧雲詩有據桃花如雨飄成堆
曾見詩人掃花去縱觀七澤移三霜天上人間皆偶寓
那得栖遲三十年選幽人遠有餘慕蓬壺冥絕心悠悠
白雲向我索新句裴史論交鸞鳳翔許公贅壻薦蘿附
蕩胸奇氣鬱煙霞醉眼逢人撥雲霧東南節度迫致之
夜卽空貶三千路舟至巫山遇赦還重問巖花浥朝露

嫣然一笑絳雲飛能助詩狂醫酒癩衣邊扇底畫無痕
各倚新粧待君賦此心真似白鷗閒回頭那怕青蠅妬
山中猿鳥來窺書萬花飛舞遮留住酒瓢能納星斗搖
硯池不激風濤怒霜臺佳客渺雲端五字生新人乃故
匡山頭白何年歸一生低首宣城墓次公才筆人中豪
辦香專向先生炷還招錢起謂柳去尋山作謔同補青
蓮注我着芒鞋戴笠來及見花時亦良遇

鄂江重晤汪成初表兄卽用舍弟崑漁原韻

十載之江別倉黃記送君兄今憐弟老役更比夫勤年來

奉檄工次仍

戶役都門衣點鷺毛雪帆懸鶴背雲歸耕折有託料

理繭絲紛

鐵鞋道士今畫譌

鐵硯磨破鐵膽麤鐵鋤斫斷鐵臂枯鐵鞋道士曾七如
截鐵爲筆任卷舒泐爲今畫古之徒人物逼肖衣冠殊
別開生面出範樞神品逸品能品俱嬉笑怒罵分悲娛
老穉美醜無賢愚赴君腕底爭獻諛君以破筆攝取諸
大或牛腰小鼠鬚脫手疾於雷電驅過眼妙似雲煙塗
當其落墨何疎疎方知作畫如作書真氣勃發誰能拘
君曾爲我顏十圖鐵花迸裂紅珊瑚覽鏡自笑仍嗟吁
此心都被道士摹童梅二鄭蘭板今已無兩峯羅山鬼

趣成子虛鐵鞋胸中粉本儲畫所不到味有餘陋被俗
骨丹鉛敷肯將變體傳江湖攫君畫者探驪珠打門丐
我誦胡盧我誦君畫償夙逋遑問索者瞳模糊何當寫
作雙跣跌淋漓墨戲同掃除袖手看人鬼畫符鐵鞋踏
破歸來乎

鐵鞋道士以所畫張真人除五毒圖乞題

蜘蛛絲冒我目蝦蟇蠱裂人腹蠱尾翹鋸刃曲蛇有
兩頭蟲百足死而不僵飛食肉卵生草化全其天奈何
濕濁之氣蘊而蓄月逢夏五萬物蟻遇者甚於瘴癘酷
人言道力能翦除爭畫真人揮劍逐吾聞真人師老聃

元妙本無欲又聞真人祖子房清虛能辟穀丹成白日
昇雲臺青龍白虎咸帖服五星五雷五丁能以氣攝之
何況區區此五毒七如學道亦道人鋪張道法寫此幅
朱衣紫炁冲斗牛全力竟同獅象撲眼光如電劍如虹
蠕蠕蠢蠢皆蟄伏方今寓內羅五福扶輿之氣清且淑
太和翔洽及昆蟲飛潛動植歸化育不見終南進士醉
蒲觴日伺竈煬菰黍熟笑請真人飯脫粟杯中水滴香
醪綠同叱百蟲飛飛化蝙蝠

奉題學使鮑覺生先生手書荆南雜詠長卷後
蜀江直走巴西東楚山不敢當其衝倒流三峽障以手

當代作手惟我公節花到處筆花吐三十五朶青芙蓉
詩成坐看萬人讀荆南軫翼捫心胸開寶精神建安骨
俛視七子非英雄繇陵按部減輿從匹馬踏破山雲空
金鼇絕頂平步上到此不免披蠶叢鬼愁蛇退五千丈
蟻緣烏度一萬重公昔掄才如攬勝搜討幽粵無潛蹤
公今陟險如履坦憑仗忠信不改容風騷祖述到屈宋
荒臺遺宅埋蒿蓬蒼茫懷古歷奇境間氣倘遇英才鍾
舊施州衛今郡治變通刀犢綏苗侗年來楚蜀烽鏑靖
士方嚮學民歸農土風未免仍樸陋采珠那得採驪龍
黔溪雪嶺鬱靈秀留待公手開鴻濛下車恰值小陽月

蠻煙瘴霧都消融，翦除榛管植杞李。藤香篠碧收藥箭，
鞞弦銅鼓願拋擲。洗耳同聽鉤華鐘，愛養子矜如子弟。
士乃感奮知所從，堂皇披卷掃落葉。丹黃一手霜，林楓
歲科兩試浹。句畢是何神，速具化工作詞兼。爲守令，勘
千秋史筆光。熊熊從來曲高寡，酬和退避三舍。譚南豐
蘭柑郡伯先 何況縣令木鳩拙，望塵不及趨下風。余甫
本調赴省 施縣秩印奉 歸舟一日渺千里，四圍蒼翠難推蓬。此時
差轉餉人京 得句問猿鳥，榜謳相答笙磬同。興酣濡墨寫長卷，不覺
腕底驚飛虹。輔軒所採脩職志，勒碑未鎮南離中。衙官
慙效巴歛奏，警擊瓦缶廣絳桐。

奉酬時帆祭酒寄懷之作

韓公交李賀折節自忘年落筆千秋後知名廿載前雪
花燕市酒風葉楚江船翻惜匆匆別登樓伴鶴眠

附
原作

蒙古
法式善
時帆

憶昔交詹子堂堂二十年一官湘水外五字落花前
臘雪催唼袂春燈傍客船劉澄譚如問我枕石尙
能眠

方竹儂明府策以銀絲花盒子見貽戲成四絕

句答之

銀絲夜半髮香聞那得羅衣白晝熏乞與唐宮新盒子

一奩花氣許平分

想到江臯暮雨天
鏤雲翦雪寫紅牋
多君自紉秋蘭佩
不用香囊肘後懸

倒掛一痕珠絡索
嵌空兩瓣玉玲瓏
相逢漢上題襟客
扇底從教拜下風

長隄爲訪郭公來
絳樹分明手自栽
要貯河陽花樣好
同心盒子妙蓮開

賜綺堂集卷十一詩目

趙篠珊明府

錄

用東坡尖又韻倡詠黃梅花一

時和者紛紛余偕茗香過安州見之各依韻賦

七律二首

別書篇

有序

壬秋重陽前自鄂城赴清江八首

茗香自蒲陽來施間關二千里外就余萬山之

中感其情意纏綿爲賦五古二首

郡治後園有榴柚二果同時並蒂各生五枚蘭

楣郡伯時守施州宴賓僚於西堂卽席賦呈五

律二首並乞徐廣軒郡丞楊晴園明府同作

榴袖並蒂各生五枚既各賦五字詩二律蘭楮

郡伯將之武昌作長歌以紀其事乃依韻奉酬

山家

燈下借菖香作二首

借茗香登奎星閣觀牡丹七律二首

送蘭楮郡伯之武昌

題竹西松風老屋詩集二首

竹西集楚江萍合詩鏤成寄示賦此奉酬

奉懷蘭楮郡伯七律二首

施州兩生行爲諧上林王家臺作

爲友人沈竹巖題憑欄十里芟荷香畫扇二首
山館夜涼二首

悼尹壽四首

嘯崖來施州鞫案卽匆匆出山今閱兩寒暑矣
書來賦五古二首奉酬

竹王祠題壁

望洪崖觀不果登

班鳩崖

天生橋

由鳴松溪尋源入山遇牧豎自言村居風景頗
與此間殊俗惜未詳其姓氏也

種藥吟

臬使巖匡山先生見示自蘭州移節武昌七律
詩四首次韻奉酬

啜酒三十二韻

有序

縣試歲科兩次童子於施州試院中茗香爲余
校閱試卷賦七律二首

竹西以詩代柬爲洪喬所滯乃馳書乞錄前稿
見賂依韻答之

小春十日王滋圃明經

家箠 諸春農 上林

王竹

田家箠兩茂才小飲退軒時茗香將歸蒲陽同

席賦五律四首

旬日之內軍門與觀察使先後巡邊往返施州而督學行牌已到偶賦半律四首

賜綺堂集卷十一

吳苑 詹應甲 鱗飛

詩

趙篠珊明府

銘

用東坡尖又韻侶詠黃梅花一

時和者紛紛余偕茗香過安州見之各依韻賦

七律二首

漫持秃筆鬥穠纖證此擅心色戒嚴味到冰霜非嚼蠟
拋殘歲月未調鹽香先春訛針屏角影借秋英插帽簷
鐵骨不須金點就自呵凍蜜潤毫尖

山驛雲黃噪晚鴉催開臘鼓送輶車

客歲奉差北上茗香送余曲陽途中

兩見此花素心共抱求三友蘇瑞詩成嘯崖老眼重揩笑百
花頗有香名傳晚歲並無幽夢寄豪家前身修到瞿曇
影寫上鵝綾展畫叉

別書篇

有序

王秋將之施州因道遠不能攜書而去乃以
所積書屬吾弟崑漁收貯而別書於漢江之
上友人作圖記其事因系以長篇

男兒苟無讀書福坐擁百城如瞋目要知書神終遠俗
不比俗吏望塵逐入山深到一萬重插架空留五千軸
載書無計別書難料理行裝抱書哭書問先生何爵陶

大笑一聲出破籠憶昔論交金石堅胸有千秋問君卜
其時寢食皆與俱相隨几榻未曾獨感君嗜好惟我專
我亦爲君効忠告君愁對我輒解頤君饑得我不得腹
奈何中道忽棄捐拋却名山老場屋旣人名場轉入塵
倒持腰版稽簿錄於今忽濶廿年餘十日寒無一日暴
偶然相見空垂青過眼煙雲手翻覆此心擬向前席陳
此身已拚高閣束丹鉛盼到滴露珠甲乙紛更任僮僕
若非今日開曹倉當日千鍾皆朽粟別君已久君相忘
怪君此時方蹙蹙君行二千里之官三月聚糧無隔宿
天梯石棧蜀道難車箱那許牽牛服當年太白流夜郎

書城未向施州築君如攜我披繡叢我豈從君懷鼠璞
君看能吏善叩頭書氣中之難俯伏何不拋書清積牘
何必引書折疑獄書非勸君邀廩祿書非佐君主錢穀
書不與君任鞭撻書不與君分榮辱君今足音去空谷
仍趨公府巡鄉曲在官終日別妻孥何況古人非骨肉
且君有兒雖愛書日課數行尙逃塾我若相隨飽蠹魚
何不臨岐計之熟南豐先生今玉局謂蘭州太守胸羅五車
擁丹轂君爲屬吏非碌碌但可其餘已霜涯處我囊中
徒瑟縮君貧擁書不忍鬻君病攤書不廢讀書魔撻君
何太酷君不自知我慙慙請從此別於願足君猶戀我

心往復不如寄我送君欲君家崑漁善積玉書樓占得
湖光綠碧紗樹外畫簾簇坐我此間風謾謾滿貯芸香
手薰沐差勝良珠韞諸積他日還山笑言積蠟屑不用
千金贖君雖齒豁頭已禿垂老交情書更篤

壬秋重陽前自鄂城赴清江八首

此行非敢戀江臯未免崎嶇首自搔三月聚糧成書餅
一尊別酒借題糕

錢竹西黃嘯崖即牧雲王璞齋張爾原諸君子連日招飲

是誰操

手翻雲雨似我埋頭惜羽毛蜀道青天愁不到到來破
涕語同袍

青蓮曾向夜郎流中道仍回峽口舟

按太白流貶夜郎舟至巫山遇赦而

還仙月亭空苔繡古客星山老樹吟秋

問月亭客星山俱在施州郭外

竹王木魅成鄉導蠻女巴僮雜楚咻難得詩人偏艷說
裴喬先後典施州

暫息勞筋又據鞍二千里外路漫漫後車僕從回頭早

前席賓僚把臂難

施州爲楚北邊遠之區不但幕僚却聘而僕從亦裹足不前

且喜

歐會爲郡守

爾相郡伯

敢誇屈宋薄衙官參軍惜別真知我

不作尋常俗吏看

謂學士鮑公

一雁分飛隔漢陰對牀風雨費沉吟

謂弟

子宮命蹇非

關孕

昆漁兩舉男于皆不育

丙舍田荒未遂心閱世方知前路遠

到官敢許入山深載書無力囊書寄莫掩風窓飽蠹侵

舊遊重溯岳江邊甘蔗旁生十一年

壬戌秋八月牛眼
兒於天門時權縣

印今攜兒赴施烏過
岳江邑人爭欲觀之

繡襍嬰兒今總角絳紗弟子早華

巔馬生對光
今垂老矣

迴鑣倘亦思前轍同調何曾改舊弦

方柳
湖方

宰是邑循聲甚
著特造騎邀畱

多謝故人銀鹿走帆風吹我去南天

江陵南望接夔陵人影西風雁一繩水驛山程投筆吏

酒瓢茶具打包僧

白江陵登陸至宜
昌人山雷憩蘭若

丹楓葉有雲根護

絳樹花無雪片凝

絳雪堂在東湖
乃歐陽公舊治

石棧天梯從此去全

憑短纜曳輿升

歷盡巉巖路幾重蠶叢都被瘴雲封鬼愁蠅退紆千折

石破天驚落一峯

哇哇若
尤險峻

明發登車愁決別晚來投店

喜生逢燈前婦女偷彈淚慰我無聊轉戚容

十日程無三里平行輿恰好趁新晴店家板屋兼茅屋

村禪花砵接竹砵

從野花砵至大竹砵始歸大路然亦崇峻也

實脚方知

行處穩虛心難免定時驚建南前近施州境長揖山靈

始入城

茗香自蒲陽來施間闢二千里外就余萬山之

中感其情意纏綿爲賦五古二首

十四舉茂才十七貢大廷漢東產一俊並時有徐陵

與生

徐君嘉瑞同受知於督學鮑公公作漢東二俊歌以勵之

徐吾未之見見生心已傾

生方總角時早以神童名問途就老驥才筆何縱橫終

當與千里豈徒驚一鳴聞生遭銜恤暫阻凌霄鵬我讀

鮑公書爲生先涕零

生遭銜恤未與鮑公書來甚惜之

延荒江二千里

雄山一萬層生非具仙骨焉能御風行

人言蜀道難生謂蜀道易此心金石堅履險如平地乃
翁易箚時拳拳以生寄謂生體親慈當先篤師誼生言
尙未終感歎還揮淚平生戒遠遊此行輕一試我雖盼
生來謂生未卽至喜極翻懟生艱險胡不避嗟余兩鬢
霜丹鉛久拋棄偶然弄詞章狡獪同兒戲譬如宵燭殘
難繼晨膏熾生毋競時名爲人之所忌生當踐躬行在
已者足恃置身第一流文章乃餘事山館坐挑燈書囊

先位置爲生注禮經助余編縣志出山攜白雲還與生
把臂

郡治後園有榴柚二果同時並蒂各生五枚蘭
榴郡伯時守施州宴賓僚於西堂卽席賦呈五
律二首並乞徐廣軒郡丞楊晴園明府同作

安石榴多子移根到夜郎仙心同結綵佛手自承筐聚
井星能摘陳疇海共量來年花照眼五鳳早啣將
錫柚曾包貢荆南產物華良珠聯有孕瑞玉輯無瑕色
味香俱妙風霜雪倍嘉傳柑兼頌橘漫向五侯誇

榴柚並蒂各生五枚既各賦五字詩二律蘭榴

郡伯將之武昌作長歌以紀其事乃依韻奉酬
幽蘭生空山不如在路岐靈芝出甘泉始爲朝野知得
天者厚必得地此中消息乃有斑管窺縣令種花有勤
情我佛證果無偏私隔年忍冬花再見公抱冬心坐詠
詩天心報公以秋實精神團結詎比尋常雨露希安石
之榴雲夢柚五枚並蒂休驚疑公昔持幢真得士包茅
入貢羅瑰奇公今撫民亦如子宜多男子先微之同心
非綰綵絲結搓手恍袖蠻烟隨如斗戴筐印懸紐如星
聚井風應箕霜條露葉互鈎帶是誰玲瓏嵌空翦下珊
瑚枝堆盤瞥見歎奇絕如舒兜羅縮手演說陀羅尼公

將擁旄武昌去尙留橋官樣客羈南離班春五馬公領
袖判事五花公手披祝公由房早生貴公子願公貢金
三品調梅五鼎無不宜人煙星火二千里定知此後勞
寤思嘉禾合穎木連理衍福何必占著龜此心非石也
非木幸登几席敢自卑所嗟匏落標梅賦老遇匠斧功
難施江樓載鶴渺天際抽帆倘夢鷗鳧鷺竹王祠下舊
花史看守兩樹棠陰果熟時

附
原作

南豐
譚光祥
蘭楮

禾不生九穗麥不秀兩岐年年幸免饑僅耳無一善
政愧可知小園不少雜花樹如下董帷都嬾窺民和

未見頌聲作瑞應敢望天公私去年並蒂榴四實忍
冬再花曾作詩今年兩事皆再見謂此易得非罕希
庭前移栽兩桂樹秋未著花意頗疑摘榴五實忽並
蒂五柚並蒂又益奇中央一枚似居首左右前後輔
相之如統所尊衆環拱如序以齒肩相隨如星聚奎
聚東井如臣佐舜福衍箕如聲如色如方如嶽如鄰
如伍怡應天地數如羸秦五松如漢京五柞如移彭
澤五株柳如折燕山桂五枝傳觀一座歎希有詹尹
信手穿牟尼長城分詠四十字筆花落紙光陸離徐
陵紀事許濡墨楊州妙詞待藻披榴房取象頌多子

厥包橘柚東南宜徵蘭吉夢不敢卜五丈夫得一亦
足慰我思一心有定似碩果三品作貢或如椀榦栝
柏菁茅龜豐年爲瑞不貪寶民欲必從天聽卑春華
閱盡見秋實風雨露雷無妄施未來事業且休問眼
見聚散風中鷺

廣軒乞休將歸
余亦將之武昌

當歌對酒聊盡興嶺

上梅花開及時

山家

峭壁開三面危梁架一條雪消聞澗響雲走見山招尾
小難支榻窗虛可掛瓢解裝燒野火覓酒待歸樵

燈下借茗香作二首

風雨蕭蕭坐向晨，多君能伴白頭人。兒年十二燈前戲，
誤聽書聲是隔鄰。

也知失學墮家聲，無奈衰年砥犢情。

茗香代課琅兒

他日籃輿

昇我老陶詩，補註賴門生。

借茗香登奎星閣觀牡丹七律二首

春冀展開雨暗天，洗出燕支畫筆妍。遊暮情懷朝士共，

茗香貢於朝而未與廷試

清平詞調夜郎傳，心非草木仍三宿。眼

見樓臺又一年，鼇背未曾經我到也。隨花片落巒烟官

先後由翰林出守施州

地近丹梯歷衆芳，無雙聲譽問河陽。人言富貴憑仙籍，

天許繁華出瘴鄉，筐戴六星環斗極。衣裁一品倬雲章。

十分春色平安享，同禮花王配竹王。

竹王祠在施州城北

陪湘亭夫子登奎星閣看牡丹分韻得七律二首

應城

閔

新茗香

山亭半角倚牆東，小有堂開錦繡叢。彈指樓臺平地起，關心烟月故園同。分來絳帳流蘇艷，畫入朱衣點筆工。巧似百花齊吐采，護他一朶瑞雲紅。

露滴胭脂雨洗塵，天心愛護閨中春。山香倦舞繁華舊，宮錦偷描色樣新。開向夜郎非自大，呼爲貴客豈長貧。名花也有還丹日，笑倒金黿頂上人。

閩在施州施脊山巔

送蘭桐郡伯之武昌

絳雲在空山膏只一方沐台 垂麗中天光乃九州燭天
非私邊隅公始領全局施州占彝陵其風本樵樸東北
控西川莠良各殊族鋒鏑湘從前虎負與鷹逐於今十
年來民氣尙未復方公下車時剪惡如蝨蠅迄公升車
時馴善如麋鹿善惡民不知但從公所欲籌邊三載餘
羅罽有成竹鄰疆赤白丸未曾窺我屋能令豕與豺甘
心就束縛終歲閭閻中開門無犬吠游手漸歸農佩刀
化爲犢城南新講堂多士被陶淑飭吏整紀綱薦賢安
幅如證菩提心故示金剛目溫樹口三緘寒泉水一

利民隱輒旁求單車按部曲救災等救焚除弊甚除毒
武侯綏南蠻韋臯鎮西蜀畫像上屏風瓣香後先祝有
時託嘯歌其風清以穆詩名達九重四試歷潘陸此
筆大如椽此心虛若谷一字每三商贊詞許言卜燕寢
燭花紅頗不廢琴筑公餘高軒臨咳唾出珠玉不啞頭
項強不苛腰脚縮所責獄有囚所課案無牘瀕行還上
書防邊請儲蓄要令西南隅長比金城築全楚扼咽喉
誰敢洞其腹不才老空山斗筐同戴六料難冥鴻飛甘
爲屈蠖伏纏綿受公知處囊仍碌碌重重南郡民同心
匪稿木側聞旌旄移無計攀丹轂願化淮南雞望塵紛

沓蹴公今遲遲行人怪去之速滔滔江漢水衆流得歸
宿峩峩鳳凰山羣衆盡俯仰公以天人姿智珠運當軸
人雖聽之兼公宜斷之獨人雖訪之周公宜審之熟下
吏無賢愚真音相聯屬區區感公誠何忍投鼠璞昭昭
畏公明何敢逃犀羶公望與公才蒼生定需渥祝公身
康強兼擁八州纛

題竹西松風老屋詩集二首

胸有千秋筆一枝及身先定卷中詩
敦槃舊雨聯新雨
余文竹西在三十年前今卷中
新雨聯吟極一時敦槃之盛
旗鼓偏師遇正師
名士散場求吏早
古人爭席君遲揚鏢同憶長安道三十

年前鬢未絲

青衫交到白頭深各奏無弦太古琴老屋松風偷寫韻

荒江萍水約題襟

竹西新集楚江萍合詩將鏤之

不依門戶開生面許

執鞭弭誓死心坡老集成山谷寄

詩集即行黃齋薄書崖先馳書寄示

堆案且沉吟

附

寄懷湘亭卽和見題拙集原韻

嘉善

錢清履

竹西

又向巴渝唱竹枝吳儂感遇有新詩宮中名播呼才子柳下官卑作士師瘴嶺雲飛鳥爲遠滄江浪濶鯉書遲但期手把金針示繡

平原五色絲

記同酌酒玉盃深惆悵分攜必子琴
菁雨荒山行曳屐蘭風曲水憇披襟
傳人自重千秋業知己難忘卅載
心底是劉邕嗜痴癖詒凝一卷愛吾吟

竹西集楚江萍合詩鏤成寄示賦此奉酬

江風江月誰主賓江樓江館同里鄰
江水浩淼不繪漪漣淪江草迷離
不生荇藻蘋乃有江萍點點吹聚
汪之濱錢郎妙手迥出塵刺而取之
如擷蕪十二卷詩十五人作者而日
始一新能令性情風俗存其真吾聞
萍實之大如車輪萍花之細如鈞緡
葉則因風蕩漾不自知涯津或云夢
中飛絮爲前身升沉一霎迹易陳偶
然合

并良有因吾詩如浮萍無根當汨漚君乃披華啓秀刪
蕪榛譬以瓦石滄瑣氓羣公筆力迴千鈞青萍光氣磨
不磷地雖吳越齊晉閩楚南楚北分畦畛萍聚於楚義
則均概以楚名言誦誦出君一手醇乎醇付諸鋏劔無
斧綬集成嘉慶癸酉之小春

奉懷蘭楣郡伯七律二首

旌旗迢遞去江關夢到千巖萬壑問麥燕葵鳧田峻喜
帶牛佩犢戍兵閒相如論尙傳三蜀公等邊善後事宜
檄行縣屬至今遵
之諸葛碑應勒百蠻施民感公之惠
勒碑以紀其實今日六裔還共戡
却從海上望僊山鼇脊峯在郡城東南
開府治六邑故云

二千里外尺書遙，苦憶羹湯手未調。
近水樓臺難縮地，換巢鸞鳳易搏霄。
風琴雅管空花榭，瘴雨蠻烟掛酒瓢。
此後山城聞鼓角，傳箋盼斷馬蹄驕。

施州兩生行爲褚

上林

王

家篁作

鮑公知我非俗吏

學使鮑覺生先生

所至贈我以佳士，我耳生

名公手記施州兩生褚與王後先鸞羽相頡頏，
得而寶之璧一雙。褚生先聲破絕壁，下筆萬夫俱辟易。
仙骨珊瑚神奕奕，王生後起照乘珠。十五能讀等身書，
脫穎而出鋒有餘。下車得生意，良快生袖文來向我拜。
簿書堆案添文債，施南僻在萬山中。何年匠手開鴻蒙，
剪却荆

棘披蘭叢我今才盡筆花禿頭白拋書笑捧腹點定生
文懶披牘吁嗟乎文詞餘藝何足云他時攜手登青雲
鮑公所見証所聞

附 湘亭夫子以所作施州兩生行賜示賦呈長律四

首誌感

恩施 褚上林 春農

屢縮銅章下澤車匪宰竟陵高安應陽諸邑慈雲今始覆沙渠千

家愛日暄同負壬申十月燕任百里蠻烟瘴盡除政善無嫌

村繫馬名清不愧室縣魚輿情安堵庭花落報最賢

能好獻書

凌雲才筆溯當年 賜綺榮叨製錦先甲辰 召試 行在會拜文

倚之師老於吏吏老漢廷無黑獄人言蜀道有青天治下車見

平反冤獄甫三月而民氣雍和一官証到心如水七字吟成骨亦仙

底事經綸偏小試山城處處聽歌絃

黔溪雪嶺路崄呀難得仙鳧趁彩霞學士清高頻問

月邑志載城北碧波峯上有青蓮問戶亭郎官瀟灑托栽花春風入座

槐爲市化雨沾人柳作衙佇看滿城桃李樹棠陰深

護絳帷紗

相得驂驅過北原駑駘無力愧攀轅師觀風詢及賤名時因遠館月

壁邨未克趨赴同學王生未從虛室邀冰鑑敢向元

竹田名家篁特邀賞識

亭載酒樽地僻那堪懸馬帳才疎妄欲托龍門三生

幸傍經帷侍一瓣心香盡日溫

恩施

王家篁

竹田

學步先邀伯樂知感公見示兩生詩少陵廣廈羅胸
久長吉高軒引領避郢雪初消同日愛蠻烟盡掃託
雲慈山城處處歌絃起從此南州俗漸移

平生經術裕經綸到處風揚不染塵獄有覆盆香續
命案無留牘筆生春

師勤於聽訟善決疑獄下車多有平反人皆頌之

十年

四縣中流柱七字千秋大雅輪此日蠶叢都翦盡巡
鄉徧看麥苗新

天邊賜綺五雲裁一卷心花特地開獨繭翠綸吳

苑結雙鳧朱舄楚江來蘭若自合奉衣佩

蒲陽閔若香先問業

於師與家兄筠稱拔萃同年將謁師於禹山之中

竹箭何曾選笛材

篁與兄家筠皆

以竹命名而問爲師所器識

小草也邀收藥籠感同紅杏倚牆栽

謂褚春農方下榻縣齋

抵掌籌邊腹貯兵相如論蜀筆縱橫開招山影來浮
自除是江流許比清我到扶風真後起人言問月印
前生夜郎例有詩仙謫載酒誰傳弟子名

爲友人沈築巖題憑欄十里芰荷香畫扇二首

山光四面繞施州那得山樓換水樓夢到香風來十里
憑欄寫出鏡中秋

瘦沈清標迥出羣蓮花開處幙生雲披襟同向池頭坐
幾日衣香不用熏

山館夜涼二首

山館清陰滿微吟散晚衙涼雲能洗月瘦竹不扶花詩
味甘於蔗官聲苦似茶迢迢銀漢隔無計泛星槎
小榭分三面風廊曲一層蚊雷喧夜市螢火翦秋燈卷
幔松毛落支牀石齒承山樓誰擲笛且向畫欄憑

悼尹壽四首

鐵篴鈿箏最擅場白頭還自按宮商兩年瘴雨蠻烟裏
借汝悲歌淚雨行

縱酒難療病後身遠隨遷客歷艱辛泉臺投足先求飲

問月官人好主人

太白問月亭在施州北郭外

片石長埋嶺上雲鶻啼蜀道不堪聞慚余老筆顏唐甚

怕續陽明瘞僕文

陽明謫龍場驛丞有瘞僕文

烏羊山外草離離侑汝巴巫薤露辭

瘞於城北烏羊壩其同伴爲之經理

并固善歌瘞之日里中少年能歌者皆歌雉露以送之不期而會者數十人

山鬼吹簫誰與

和秋墳休唱鮑家詩

尹吳人性好翰墨余寸綠片紙皆收藏之每製新詞付之協律頗有

異能良可惜也

嘯崖來施州勦案卽匆匆出山今閱兩寒暑矣

書來賦五古二首奉酬

我來萬山中君來萬山外別君纔浹旬重逢意良快大
吏謂君能疑獄決其大南郡多英豪望君下風拜君獨
心折余見者頗驚怪豈知我兩人十載投針芥於今天
一方可能取而代

山谷過施州所交趙肯堂手札貽使君翰墨騰光芒如
何郡縣志所采都未詳翻言李謫仙當年流夜郎清江
唐置郡其地非黔陽不知後來者謂我遷何方涪翁渺
千載試問婁東黃

竹王祠題壁

鸞熊弧矢開楚疆翦却荆棘畱篔簹竹胎剖出孩兒香

竹君之後有竹王錦衣繡襪來何處化龍幾欲凌霄去
頗同佛子產空桑不屑將軍封大樹天生材武霸南州
自大方能馭衆酋始信平安貽兩字終教靈惠祝千秋
宋崇寧中立
祠曰靈惠祠我來竹下拜祠宇竹書難溯王風古金戈
鐵馬去空山瘴雨蠻雲歸故土落日靈旗水面斜年年
簫管賽山家夜郎城上誰投筆春女江頭自浣沙

望洪崖觀不果登

琳宮紺宇白雲邊難覓金丹訪洞天蓬島未曾經我到
拍肩何敢夢游仙

班鳩崖

鳩喚晴崖崩千丈巢易傾鳩喚雨崖懸一線巢難補鳩
能振翼枝可栖人苟失足身已糜崖上有嵯峨怒立之
怪石崖下有奔騰倒流之惡溪君今胡不自崖返試聽
鷓鴣林外聲聲啼我行十步九顛蹶荆棘鈎衣始全活
鵲鳴見喜鴉見凶萬事不如鳩養拙

天生橋

兩山化龍入雲霄下有萬八千丈深壑潛老蛟倒啣其
尾山動搖何以馭之索一條非土非木非石天生橋橋
縱百步橫不滿一尺狀如垂虹隱現山之腰行人到此
便裹腳側身倒挂愁猿猱健夫前導身就縛兩頭貫以

青藤梢磨牙礪角石齒齒中間乃有爛樓粉碎魂難招
雙丸空逞女巫技一足止容山鬼跳參天松檜出礪底
水聲樹聲迸作萬弩迎江湖我來恰值月徂暑陡覺宵
次祛塵囂方知天工設險有深意不獨一夫能扼十部
生花苗要令熱客望崖而自返掃却萬慮都冰消人心
躁妄偶值坦境耳懸橋顯示危途遙康莊馳驟未必無
一失不若坐我此間風蕭蕭

由鳴松溪尋源入山遇牧豎自言村居風景頗
與此間殊俗惜未詳其姓氏也

萬山中有一溪曲溪上人家松蓋屋松毛缺處隱山樓

占得當門鴨波綠一牛導我循溪行夾岸紅蕉兼墨竹
滿身蒼翠濕衣裾失却疲牛遇歸牧自言生聚託溪流
不問溪源出深谷幾家落落自成村居鄰未識何年卜
藁有溪田聊共耕但計犁鋤便分穀歲時伏臘還相親
男女婚嫁頗殊俗飲水從無瘴癘生不事醫療與巫祝
松花吹落溪水香人如浮鴨沿溪浴今年溪漲到山腰
未屆秋成已再熟君從何處入深山前路茫茫難託足
鄆筒釀就新濁醪佐以山殺食無肉茆堂短榻尙能支
可惜溪聲奏琴筑擾君終夜不安眠未敢邀畱歌信宿
一聲長笛破松風笑指青山舉黃鵠回頭不見水邊邨

淡墨空描雲一幅

種藥吟

施州西北曰木樵地最高寒無沃土山人不解菽禾黍
翦盡荆榛開藥圃藥種分貽不貸牛藥苗倒插能辟鼠
板橋蒿壩百餘家大半藥師兼藥戶刀耕火耨笑人忙
拋却農書翻藥譜雪花點處子勻排

藥種於雪後下之

雪葉蒸

時芽漸吐自然蔓長與藤抽三年不用占晴雨

種藥不憂旱潦

下種後三年得之

無心盼到紫葳甘有口差同黃蘗苦藥販居

然列市廛藥租且免輸官府男攜背篋女肩鋤同問藍
橋求玉杵蠻烟瘴霧積未消採向深山熟松煮藥氣渾

如草氣薰藥名頗比花名古翻怪鄉人不信醫雖知藥
性終無補偶然疾病跳師巫畫符搗鬼無藥愈薄田還
可栽麥苗百藥何如穀有五

臬使嚴匡山先生見示自蘭州移節武昌七律

詩四首次韻奉酬

殿前重席舊談經赤棒宣風到外庭天許南樓邀庾月
人從西域望張星籌紆隴首胸藏甲節駐江臯斗指丁
分陝召公棠蔭遠漢南喬木又同青

玉關還夢玉堂寒總領臺綱拜獬冠弟子河汾參講席

公按蘭州開講院自課諸生西陲文教一新啓行之日諸生攀轅追送者不絕於道文章齊晉主

盟壇傳將正學當爾鉢寫人邊聲向據鞍到處香風攜
兩袖更從楚澤擷幽蘭

三接新承

聖語溫纔辭

北闕駕南轅咎繇才子方

爲士嚴助詞臣早受

恩力挽天心銷桎梏

公下車禱雨檄行都

縣母久厲人犯果得甘露

能探政本導崑崙下車飭吏條章約病牘

清釐簡馭繁

慈雲迢遞靄晴空便擬臺參拜閣東難化木鳶爲水鷺
尙遲春燕代秋鴻智珠仁鏡三臺上手筆心香七字中
才盡幸邀公一顧自慚刻楮寫葵衷

師酒三十二韻

有序

施州宴客置酒於甕先以松火熬沸湯投竹管其中座客以次吸飲不設杯勺謂之啞酒土風相沿非酬酢之禮也

啞飲徵施俗荆南聚酒徒釀花須醉竹抱甕不提壺只合郛簡造何曾市盜沽此君心酪酏有客口胡盧煖是灰飛管涼非水調符截筍如截玉吹黍亦吹蘆

啞酒以黍穀雜

苞蘆爲之施人謂菰蘆爲苞穀

箭喜筠還有卮嫌當已無泥丸畱箸裹

湯沸熬松枯席地肩相倚閒饒首便濡壺中持橐籥滅頂灌醜酬入座休揚觶迴環便轉轡流涎饒缺舌波潤梁虬鬚差擬簫吹鳳寧求勺泛鷗餐同新沆漉吸異淡

巴菰未免恣諧謔安能節步趨矢投先而亦觴盞到唇
朱沉酒同牛飲喧噉任狗屠挈瓶誰肯守盈缶信難孚
始歎交如醴終成器不觚醉鄉蠻鬥角泉郡鬼張弧戰
拊爭攘臂扶頭已碎顛覆甌驚瓦解削簡看籌紆易構
敦槃訟難寬雀鼠遺甕中纔捉蠶席上罷歌鳥那得消
狂獗都教味道腴禁當嚴壁壘尊自設康衢底事鯨吞
海甘爲豕載塗肆筵宜獻爵入室遠當醴持戒胸成竹
聯權腹剖瓠飛觥借羽化斷梗作籐扶試與觀鄉飲誰
能繪禮圖哦詩醒衆醉笑我濫吹竽

縣試歲科兩次童子於施州試院中茗香爲余

校閱試卷賦七律二首

此揚曾經兩度懸秋燈重翦雨晴天要他峽蝶圍雙管
施州歲科並試趁汝驂騑借一鞭分手種花剛野草同心問月

撥蠻州漢東總角今才俊

茗香年十四補博士弟子員十七卽貢於廷學使鮑公

作漢東二俊歌以嘉美之今距

老眼重揩已六年

山歌雜入棹歌聲也算巴童得意鳴

試以清江棹歌無協律者乃以茗香

所作示之亦不解也

那有驅珠勞燭照竟從蝸角看蠻爭初階未

學邯鄲步後起難成監子名羞喜塗人還艷說絳紗詩

筆舊門生

竹西以詩代柬爲洪喬所滯乃馳書乞錄前稿

見貽依韻答之

前年夢到鴻雁飛去年書到楊柳依
二千里外詩一首語長鄭重貽所思
所思未見心百結詩沉魚腹昆刀切
題箋重達夜郎城芳訊纔通巴子國
送窮無計况驅愁一瓢空掛山中由
密林深箐瘴雲黑鬼簫吹斷聲綿幽
感君念我在岐路垂老投荒久延駐
醉墨空題問月亭歸心早繫垂虹樹
我聞康生喜與崆峒游俯視朱戶空
中樓一言能奪貴人氣對山肝胆懸
千秋余性慙而昔年曾以事忤
某公幾至顛躄竹西欲脫故人於危
急之中慨然以對山自任而某公旋
以他故去鄂共事遂止然余固感竹
西之意也俗伶諛訂宮商譜且聽
琵琶雜腰鼓七子敦盤誰

始終崑崙豈屑爲盟主讀君此詩心轉傷次公頭白回

爲郎

謂嶺

西風江上掛帆去何年吹聚萍花香

竹西手輯楚江

萍合詩多錄余與嘯崖之作

南豐先生車早駕

詩來而蘭楫郡伯已調守武昌拋却

青山唵鮑謝衙官屈宋得兩賢餘子紛紛伏轅下我和
君詩水石投兩家心跡如閒鷗陽春不聞郢客奏竹枝
但付巴童酬吁嗟乎東坡居黃早游浙買田陽羨頗奇
絕何如攜我清江峽裏泉與君同漱黃州堂下雪

附 湘亭書來道意因以詩代柬奉答

嘉善

錢清履

竹西

西風鴻雁秋空飛白雲天末情依依故人千里別一

載書來爲道長相思未得君書心宛結旣得君書意
更切渺渺關河去夢遙峯巒層疊迷巴國一官見說
多窮愁束縛馳驟不自由丈夫鬱鬱不得志入山肯
遽就清幽胡爲乎楚江盡處蠶叢路仙令飛鳧偏久
駐鬼愁蛇退關榛菅豈欲蠻荒宏建樹憶昨鄂渚頻
追游江城明月登南樓醺雞禪蝨笑餘子商榷文史
傳千秋酒酣並把紅牙譜黃九猶堪對旗鼓黃嘯只
今落落散晨星玉敦珠盤霸無主離羣索居神自傷
天涯望望古夜郎定知擊鉢競琢句一瓣近燕南豐
香譚備撰看君控縱飛黃駕鞭策曹劉及鮑謝大雅

無遺牛鐸音却采葑菲意謙下

書中過樊子松
風老屋詩草

真是

交情膠漆投波濤宦海盟浮鷗倘非兩地判踪跡松
陵皮陸時賽酬噫吁噫君住東吳我西浙不比花封
轉隔絕萼鮪有日共歸歟扁舟訪戴山陰雪

小春十日王滋圃明經

家筠

褚春農

上林

王竹

田家篋

兩茂才小飲退軒時茗香將歸蒲陽同

席賦五律四首

吏散琴堂靜牙籤次第排竹如詩漸瘦菊與士同佳酒
碧杜腸潤鎧紅老眼揩吾衰思少日頭角未曾埋

每話
册試

時事猶顧
吟自豪

同譜還畱滯

茗香與滋

同賦成

聯鑑頗激昂

春農與竹山同

應院

何人先脫白他日看飛黃名豈詹何釣才宜鮑照

量好花非手種一樣出河陽

王褚三生同茗香皆侍郎鮑公所拔之士而茗香先

問業於余故云

子去誰爲侶寒藥對影青扶風花外帳問月水邊亭魚

鑰宵沉瀟瀟窗晝掩櫺也知難判襤懸盼到諶庭

茗香不遠二千里而來就余萬山之中余甚感其意葺退軒以

止之一載以來朝夕與俱今歸而將母不忍畱也別後纏綿意先形楮墨間贈言三友妙

滋圃春農竹田各以詩贈行失學一兒頑

茗香爲課琅兒兒體弱當廢學矣孤露輕千里同雲壓萬

山來年重握手新綠與君刪

所著新綠山房詩稿余爲之刪定

有日之仄軍門勸察使先後巡邊往返施州
而督學行牌已到偶賦半律四首

人言空谷遠通津我向山中作候人一片白雲封不住
山靈都要拜車塵

天梯石棧盡蠶叢除是風雲有路通偏與寒崖增氣色
節花開滿萬山中

茆亭板屋翦蒿萊行館居然特地開那得荒山都置驛
鷓鴣聲裏馬蹄來

供張草草轉沉吟三宿浮屠一夕心翻笑縮符膺赤緊
余先後權天門應陽皆當孔道十年前想入山深